

01 IUNIE

RUGACIUNEA 4

SF. CUVIOS

AGAPIT DE LA PECERSKA

Моли́тва

О, преподо́бне и богоно́сне о́тче на́шь Ага́пите, слуго́ Бо́жий преизря́днѣйшій, чудотво́рче и врачу́ всеми́лостивый, всѣмъ съ вѣрою и любове́ю тя призыва́ющимъ ско́рый помо́щниче и те́плый заступни́че! Яко свѣтильни́къ пресвѣ́тлый, ты просія́лъ еси́ житіе́мъ добродѣ́тельнымъ въ гора́хъ Кіевскихъ на па́жити Богома́тери, тѣмже припада́юще къ ра́цѣ многоцѣ́лбныхъ моще́й твои́хъ, со стра́хомъ покланя́емся и любове́ю лобыза́емъ, изъ глубины́ се́рдца къ тебѣ́ взывая́: помози́ намъ, уго́дниче Бо́жий, помяни́ насъ предъ Го́сподемъ и испроси́ намъ отъ Него́ оставле́ние согрѣше́ній на́шихъ во́льныхъ и нево́льныхъ, въ неду́зѣхъ стра́ждущимъ ско́рое исцѣ́леніе пода́ждь, путеше́ствующимъ заступле́ние, скорбя́щимъ утѣше́ние, бѣдству́ющимъ по́мощь и избавле́ние и вся́ потре́бная ко спасе́нію. Яко да твои́ми, о́тче, святы́ми моли́твами получи́вше благода́ть и

ми́лость отъ Всеми́лостиваго Спа́са и Го́спода
на́шего Иису́са Христа́, возвели́чимъ и
просла́вимъ препѣ́тое и́мя Его́, Ему́же со Отце́мъ
и Святы́мъ Ду́хомъ сла́ва и держа́ва во вѣ́ки,
аминь.